

te, scribatur digitus excreſcentiæ: Si ſecundum loco ſuperioris deletæ ſcribatur cyfra, & ſiniſtretur articulus, iungaturq; proximo ſequenti. Si numerus compoſitus loco ſuperioris, vt prius deleti, ſcribatur digitus, qui eſt pars illius cõpoſiti, & ſiniſtretur articulus vt ſupra. Quo facto ad ſecundum figurarum ordinem eiufdem denominationis procedatur, ſub quo eandem formam repetere operationis qua ſub primo ordine figurarum vſus eſt. Hoc vnico obſeruario, quòd quotieſcunq; ex additione figurarum eiufdem ordinis ſecundi, ſenarium cumulaueris, qui ſemper ſexaginta ratione ſui ordinis repræſentat, eo deleto, loco ſuo ſcribatur reſiduum ſi quid fuerit, & ſiniſtretur vnitas totiẽ primæque figuræ groſſioris denominationis immediatè ſequentis adiiciatur, quoties ſenarius in ſecundo ordine præcedẽtis denominationis fuerat repertus. Nec à tali operatione ceſſandum erit, donec ad integrorũ puta graduũ locum fuerit deuentum, quorum 30. ſignum commune. 60. verò Phyſicum conſtituere diſcoſcuntur. Quare 30. ſemper eiufdem loci abijciantur, ac pro eis deletis vnitas ſequenti ſignorũ, ſcilicet loco addatur, ſi ſigna fuerint communia, vel 60. ſi denominatio ſequens Phyſica fuerit. Quotieſcunq; etiã in eodem loco puta ſignorũ ex tali additione 12. fuerint cõmunia ſigna, vel c. Phyſica collecta, quæ integrã reuolutionem faciunt, eis ſemper deletis, loco verò eorum ſcribatur reſiduum ſi quid fuerit, vel figura nihili ſi præciſa reuolutio fuerit, accumulata. In fractionib. etiam temporis eiſdem præceptis vtendum erit, donec ad horas fuerit deuentum, quarum 24. continuè quia integra ſunt diem perficiũt. Quare tot ſemper abiectis vnitas denominationi groſſiori cõglomeranda erit, & hoc ideo, quia in quæ vnũquodq; diuiditur, ex eiſdẽ cõponi neceſſe eſt.

De Subtractione.

Subtractio hac operatione perficitur. Numeratores ſignorũ, graduũ, minutoꝝrum, aliarumq; denominationum, ſuis locis diſtinctè ſcribentur, illius ſcilicet numeri, à quo debet fieri ſubtractio, ſub quib. numeratores ſubtrahendi debite vnusquiſq; ſub genere ſuo ea diligentia deſcribentur, puta ſigna ſub ſignis, gradus ſub gradib. minuta ſub minutis &c. vt in præcedente dictum eſt. Quo facto à denominatione ſubtiliori incipiendũ erit, ſubtrahaturq; prima inferioris à ſibi ſupra poſita, ſi fieri poſſit, & ſcribatur reſiduũ, ſi quod fuerit in locum ſuperioris deletæ, vel 0, ſi nihil remãſerit. Si autem inferior à ſuperiori auferri minimè poterit, quod contingit, dum inferior ſuperiorem excedit, hoc caſu vnitas à ſequenti verſus ſiniſtram eiufdem denominationis huic accommodatur, quæ ſemper reſpectu prioris decem ſignificat, ſi in eadem denominatione reperiatur, fiatque ſubtractio inferioris à tali articulo vel numero compoſito, ſecundũ, quod operatio depoſcit, remanente tamen reſiduo, vt dictum eſt, loco ſuperioris deletæ. Si autem accommodanda vnitas in eadem denominatione inueniri non poteſt, à denominatione proxima verſus ſiniſtram, non vacante ſurripiatur, quæ ſi fuerit in loco reperta ſignorũ in denominatione graduum 29. in ſubtiliorib. verò